



Cuminsando cu 4 florin, bo por gana e suma grandi aki

Afili.

170.000,-

Obtenibel na cualkier rebendado di Lotto.

sorteo ta awe nochi 7:45 pm



HUNGA AWO



Fiscal kier haci un interrogacion mas cu Weert

Caso penal contra ex locutor Weert ta otro año 28 Januari 2022

ORANJESTAD (AAN): Ayera merdia 2'or via video conference Hues di Corte den Promer Instancia a atende pa di dos biaha e caso penal pro forma contra e sospechoso Rudy "Elvis" Weert. E promer biaha tabata na Augustus 2021 caminda a palabra cu mester haci mas investigacion y cu ayera atrobe lo ta pro forma.

E sospechoso Weert tabata den un oficina na KIA mientras cu den sala

di Corte tabata presente Hues, Fiscal y abogado mr. Mohamed. Via un screen grandi den sala di Corte tabata mira otro.


VIOLA MUCHA

Na Augustus 2021, Fiscal a mostra cu e promer acusacion ta cu entre 19 Maart 2005 te cu 1 Maart 2009, Weert door di usa menaza y violencia, a viola e mucha G. E tempo ey G., tabatin 14 año y tabata bou cuido di Weert.

Fiscal a menciona cu Weert ta wordo sospecha di a mishi na e mucha su pechonan, su parti intimo y a tene relacion sexual cu e mucha. Esaki lo tabata sosode den un apartamento scondi.

ACTONAN INMORAL

Fiscal a sigui bisa cu e otro acusacion contra Weert ta cu entre 19 Maart 2005 te cu 18 Maart 2007, el a haci actonan immoral cu e mucha G. cu tabata bou di



su cuido. E mucha e tempo ey no tabatin 16 año ainda. Fiscal a bisa cu Weert lo a mishi na partinan intimo di e mucha y a hasta tene relacion sexual cun'e.

Fiscal a bisa cu e mesun cos lo a sosode tambe entre 19 Maart 2007 te cu 1 Maart 2009.

MALTRATO SEVERO CU A CAUSA MISKRAAM

Fiscal tambe ta acusa Weert cu entre 19 Maart 2006 y 19 Maart 2009, intencional y premedita, a maltrata e hoben G.(18) cu consecuencia cu el a sufrí un miskraam. Fiscal ta mostra cu Weert lo a hinca un hangua of algo skerpi na e parti intimo di G. cu

consecuencia cu el a sufrí un miskraam.

FALTA MAS INVESTIGACION

Ayera merdia Fiscal a bisa Hues cu e kier haci un interrogacion mas cu Weert pa e ora ey tin e procesverbaal oficial cla. E ta kere cu awor por fiha un fecha pa tratamento di e caso.

CASO PENAL OTRO AÑO

Hues a bay a merdia cu e peticion di Weert y a fiha dia 28 di Januari 2022 pa 8.30 di mainta lo trata e caso penal contra Weert. E dia ey Weert lo wordo hiba sala di Corte pa e presenta dilanti Hues.